



59588



Mag. St. Dr.

hi Sanctus Amilianus.

Test. 5425.

A
A

B

H

In

M

V
C

SANCTIOR ÆMILIANUS

In triumphali Meritorum curru, Igneò Ense,

Pro Domino DEO Exercituum strenuissimè

Z E L A N S



D. ELIAS
PROPHETA,

Sacerrimi Ordinis Fratrum Beatissimæ

VIRGINIS MARIÆ

DE MONTE CARMELO

PATRIARCHA,

&

FUNDATOR,

Redeunte sacrò Festivitatis Die,

In Basilica Sacratissimi CORPORIS CHRISTI, Cele-
berrimi Conventûs Posnaniensis PP. Carmelita-
rum Strictioris Observantiæ.

A

M. JOSEPHO CHOYNACKI, In Alma Universitate Cracoviensi
Philosophiæ Doctore, ejusdemq; & Matheseos in Academia
Posnaniensi Actuali Professore.

Stylò Oratoriò

P U B L I C A T U S.

Annò quò

V & rices invictus Heros Deus gessit palmas 1740. Die 20. Julii.



POSNANIÆ, Typis ACADEMICIS.

IN INSIGNE
S. ORDINIS
CARMELITANI.



59588₁₅

I.

SANCTIOR ÆMILIANUS adest, dispendia casus,
Flammis comburit, fata mucrone necat.
ELIAS Zelans Heros invictus Olympi,
Hostes devincens, colla superba premit.

II.

Elysiis in agris, magnâ probitate triumphat,
Heros ELIAS fortiter arma gerens.
Diræ deficiunt, furiae, sæviq; Gigantes
Langvent; dum celsus Victor in Orbe yiret.

I. ADMODUM REVERENDO,
EXIMIO IN CHRISTO PATRI^{ac}
J O A N N I
à SANCTO VLADISLAO
PRIORI PROVINCIAE,
DEFINITORI GENERALI,^{ac}
ADMODUM REVERENDIS IN CHRISTO
P A T R I B U S,
DEFINITORIB⁹, EX PROVINCIALIB⁹;
CUSTODI PROVINCIAE,
PRIORIBUS. S. THEOLOGIAE LECTORIBUS,
^{ac} toti Provinciae Majoris Poloniae, Ordinis *Fratrum B.*
V. M. de Monte Carmelo Strictioris Observantiae,
PATRONIS COLENDISSIMIS.



Anctior *Æmilianus*, Protoparens, Fundator,
& gloriosissimus Sacerrimi Ordinis Carme-
litani Atesignanus *Elias Divinissimus*, in
Stellifero Carmeli vertice eximius Heros,
primusq^{ue}, hæres, dilectissimus inter Filios Parens, non
bellica movere luctamina, sed pacifica frui desiderat
quiete: *Admodum Reverendi, ac eximii in Christo Pa-*
tres. Satis etenim contra falsorum certavit fana Deo-
rum, satis triumphorum in hostilibus numeraverat cer-
vicibus, satisq^{ue} laurearum *Sanctior Æmilianus Elias*, su-
peratis Gentilium idolis obtinuit Coronarum. Nondū

adhuc *Elia* terminus victoriæ, nondum heroicæ me-
ta est præfixa potentia, majora populis ex virtutibus
atq; meritis *Sanctioris Æmiliani Eliæ* indefessis, universus
certo ventura esse appromittit, & ominatur Orbis.
Gesserat militare Heros invictus *Elias Divinissimus*
certamen, victricibus tamen Illius laureis, sufficiens ne-
quit hactenus assignari numerus, quia insuperabilis No-
mine sacro in mundi regionibus eminet Triumphator.
Millenis *Sanctior Æmilianus Elias* non indiget legioni-
bus, armatam non requirit Martis cohortem, nec bel-
laces Macedonum in præsidia congregat turbas, suffi-
cit *Eliæ* virtutis propriæ magnitudo, quàm nec peritis-
simus arte suâ Archimedes, nec solers ingenio Ptole-
mæus, nec subtilis audet scrutari ratio Albategnii. Ma-
jestas Nominis *Eliani* summos attingit Cælos, terræ ma-
risve superat amplitudinem, & magnificentissimas ter-
restrium Dominatorum Regias antecellit. Laudanda Xe-
nophontum vilescit firmitas, immobile Atlantis fit debi-
le robur, ambientis Tarquini, ferocium mente Domi-
tianorum, & strenuissimi Xerxis audax labitur genero-
fitas, *Sanctiori Æmiliano Eliæ* in optimorum Virtute Filiorum
triumphante. Habet Resolutos *Sanctior Æmilianus Eli-
as* in Stellato Carmeli vertice Heroas, habet Angelicos
in Domo propria Comites, solo Virtutum candore, &
subtilissimo mentis acumine insignitos. Glorietur exi-
miis Alexandria bellatoribus, ostendet indomitos Per-
sis perampla viros, & late patens vigilantissimos remon-
stret Albania milites, non tamen hæc; licet copiosissima
præliatorum numerositas, magnanimitati *Sanctioris Æ-
miliani Eliæ* ejusve Heroum dexteritati correspondebit
ad amissim. Recipiunt participatam sidera Poli à Prin-
cipe Planetarum Phæbo claritatem, corusci adamantes
dant pretium unionibus, fulvum probatum igne aurum
in.

insignem tribuit valorem metallis, viridariorum Reges
lilia, odoriferis pulchritudine sua augment æstimationem
floribus, Imperatorum diademata sudoriferas pro Patriæ
commodo consolantur certatorum frontes, & magna
Principum autoritas, zelantibus; pro æstu, & pondere
militari iusta præmia confert athleticis. Etiam Vobis Re-
ligiosissimi PP; zelosissimæ; pro Domino DEO Exercitu-
um, *Sanctioris Æmiliani Elia*; Virtutes, merita, & labo-
res plusquam Atlantici adferunt celsitudinem, flamme-
us inter penetralia cordis latitans Prophetæ zelus, luci-
dusq; invicti Herôis mucro, Vestris Sole ipso clariorib9
addit splendorem Virtutibus. Allucetis universo Orbi
clarissimi sub Antefingano *Elia* actibus Herôicis, & ple-
nitudine meritorum Ephæstiones, spargitis à scholasti-
ci Phæbi radiis amænissimum jubar, quo Sacrosancta
militans Ecclesia, & totus abundanter exhilaratur Orbis.
Exultat Cælum, & splendiferi gessiunt Triones, cum in
siderea Carmeli summitate vigilantissimos pro Gloria
DEI respiciant Zelatores. Permanes Sacerrime Carmeli
Ordo, in columen Ecclesiæ, populo fidei in solamen
hæresesq; monstris in terrorem. Tenebrofi in altum ex
culmine radiantis Carmeli non ascendunt vapores, nec
mæsta fuligo erumpit. Carmelus Cæli splendore reple-
tus, supremæ proximus regioni, optimæ prosperitatis;
terricolis dat ex se documenta. Præcelso in Carmeli A-
pogæo mysticus expandit lumina Phæbus, Ierenâ ter-
ras prospiciunt Luciferi fronte, & diaphana Polorum fi-
xè consistunt luminaria. Licet per oppositionem, ac in-
terpositionem Cynthia, & Titan obtenebretur, licet
mobiles tristib9 quandoq; involvantur Planetæ umbris,
Carmeli Sidera atris resistunt tenebris; fucatîs non cir-
cumteguntur nubilîs, & luctuosas influentias detestan-
tur. Radiant Sidera Carmeli noxiis absq; Parrhæliis, ful-

gent absq; Syrii ardorib9, solasq; Atticas admittunt noctes. Quod de luminosis ore protulerim astris, quam in coruscantibus animadverti claritatem Phænomenis, hæc verè ex Tuis, *Admodum Reverende, ac eximie in Christo Pater JOANNES à S. Vladislao, Fratrum Beatissimæ Virginis MARIÆ de Monte Carmelo Strictioris Observantiæ, PROVINCIALIS dignissime, ac Definitor Generalis, virtutibus oritur atq; meritis, Clarefcunt in Firmamento, ptimæ, secundæ, tertiæq; magnitudinis Stellæ, Te Stellifer Carmeli vertex, celsæ magnitudinis retinet Sidus, lucem toti Univerſo referens gratissimam. Exornasti, & omni condecoras momento Sacris Theologiæ radiis fideream Carmeli regionem; sparsisti, & spargis amænissimum erudito acumine mentis jubar, laudandâq; Virtutum Tuarum stelligero Orbi al-luces dignitate. Fulciebat diu brachiis Atlas, tu non tantum robustis lucentem sustentas Olympum humeris, sed Virtutum, ac Meritorum exornas claritate. JOANNES es, cui honoranda aurearum virtutum respondet magnitudo. Sanctior Æmilianus, Elias Divinissimus, terrestri, ac in Polari sistit circumferentia, Tu Zelosissimi Protoparentis, Heroisq; insuperabilis, candidus Ordinis Carmelitani, dulce regimen tenens Coryphæus ades, præstantissimus laudabiliter Sacræ Religionis munia absolvendo. Flores liliaceo Virtutum candore JOANNES, Sacræ Religioni in decorem, æthereisq; Domibus in augmentum. Commemorant Atlanticos Doctorum Cathedræ labores tuos, enarrat cruditorum Stoa, Tui subtilitatem ingenii, prudentes veridicè fatentur Xenophontes, Te JOANNEM à Cælestibus ferè Gratiis enutritum omni æstimatione; dignissima demonstrasse, & hactenus demonstrare benefacta. Te JOANNEM pietas, prudentia, & cultissimi vitæ progressus, abque*
næ.

nævo de prædicant viventem, & majora de Te in Sacra-
tæ gloriam Religionis certò certius augurantur. Vivito
igitur in Stellato JOANNES Olympo, Sacerrimo Ordini Carmelitano, in decus, & Honorem, & quàm diu
curret per æthera Titan, tam diu splendor tuarum pe-
rennet in mundo probitatum. Post jure meritò debita
vigilantissimo encomia Provinciali. Vos singulos Pro-
vinciæ Polonæ *Religiosissimi de Monte Carmelo Stricti-
oris Observantiæ advenio PP.* Celsitudinem Virtutum
Vestrarum non jam visoribus cupio investigare radibus, ast
tubos opticos cum telescopiis ad videndum applicare
intenderem, ni perbelle noscerem, & hanc eminentiæ
Virtutum Vestrarum non posse sufficere industriam. Præ-
parant ad noscendas in luminaribus proprietates; pel-
lucida Astronomi vitra, & utrùm ferèni Planetarum ma-
neant vultus, aut aliquibus inhæreant umbris, curioso
animo perscrutantur. Observationem istam trutinamq;
ad videndam Probitatum Vestrarum, & scientiæ lucem,
propensus Vestrorum Cultor Nominum non admitto,
sufficit mihi Vestrorum claritas Meritorum, in quibus
nulla animadvertitur tenebrositas, nullæ servantur um-
bræ; solus ex Virtutibus Vestris plenus cælesti amænita-
te dimanat splendor, Cælicolas, terrasq; sufficienter re-
creando. Fertur à peritis artis suæ scrutatoribus in lumi-
noso Corpore Phæbi, quasdam latitare maculas & fide-
ribus aliis fuscum quandoq; inesse colorem. Aliena est
hæc à Carmeli Sideribus illatio, Carmelus Cælos verti-
ce tangens, coruscantia sine tenebris continet astra, lu-
ce immutabili adornata. Invigilat Cælorum domicili-
is Hercules, & belligeri insunt cum Marte Joves. In
Carmelo quilibet Vestrum RR. Patres fortitudinis hæres,
& Heros existit, vitia nefanda, & abominabiles Orthodo-
xx Fidei contrariorum, districto *Sacrioris Amiliani Elia*

mucrone dissecans tenebrionum mores, & dispellens.
Nulla fuerat tam grandis hostiliū virium potentia, quā
Sanctior Æmilianus Elias desuper acceptā non evince-
ret dexteritate, nullus tam arduus efferatorum appari-
it animorum terror, quem nobilissimus Carmeli non
supprimeret Heros. Eadem in Vobis RR. PP. fortitudo,
& virium invenitur excellentia, quæ zelosis pro Cæli-
tum cultu adhæret Certatoribus. Vicit *Sanctior Æmilia-
nus Elias*, Patriarcha Vester, & Fundator, fallorum ido-
la Deorum, vicit rigidam in sacrilegis cordibus proter-
viam, Vos amantissimi; Digni Parentis Filii, eadem for-
titudine non finitis; Dei Unius, & Immaculatæ Matris
Illius V. MARIÆ promovere, diligenterq; Honorē pro-
pugnare. Schinotenicas quòd ultra non protēderim pe-
riodos, parcite RR. PP. parcite, dignior virtutibus Vestris
ex fortitudine *Sanctioris Æmiliani Eliæ* adaugetur autho-
ritas, quā meo ex sermone. Sufficit Vobis RR. PP. ad
gloriam, quòd Fratres Reginae Angelorū Castissimæ V.
M. nominamini, & *Sanctioris Æmiliani Eliæ* Heróes exi-
stitis: Triumphate igitur de omnibus igneō insuperabi-
lis Antesignani Vestri Ense infortuniis, victrices de hosti-
bus Cæli reportate palmas, meumq; quā pro lau-
dibus Vestri Protoparentis conscripsi, fronte benignā ac-
ceptate libellum, in quo dum terminus dicendi de en-
comiis Nominum Vestrorum subsequitur, ego pro ulti-
ma votorum Cathegoria, hoc manifestè profero dictū,
quòd sim

CELEBERRIMI ORDINIS VESTRI

Cultor Devinctissimus

Author Operis.



ORATIO.

Belligerantes plaudite Heroum manus, generosi triumphatorum exultate animi, victrices pulcherrimo virore signum latitiæ distendite laurus, augusta Hæctorum tempora, flebiles cristato Marte ne percellatis terrigenas, solennes nobilissimo Duci ELIÆ præsens Mercurii dies, intendit publicare applausus. D. A. Dedecet enim mæstos lituis edere clangores, horrida pugnacis Gradivi non convenit intonare classica, cataphractas fortis Bellonæ catervatim modicum prodest conducere legiones, dum nova in sublunari circumferentia apparet victorum congeries, & admirabilis magnorum Principum ultro se ingerit ad spectandum facies. Præparet falcatos Darius ad prælia currus, congreget numerosum ad deprimendos hostes audax Monarcha Cyrus exercitum, robustos belliger Pyrrhus contra rebellia ordinet elephantos castra, & ille quondam strenuus certator Annibal adversus Romanorum potentiam armatas instruat phalanges, quælibet Epaminandarum; cordiumve ingens vacillabit dexteritas; alio inter Heroas primatum magnanimitatis tenente Duce. Flammea perennem famam excitet Curtio abyssus, fervidus Mutio triumphales laudum adoreas exstruat rogos, bellicus reboantiû sonitus tormentorû, madenti amaro sudore equitû fronti, insignes augeat plausus, & sanguinea Stadiodromis certamina auream victoriæ progerminent messem, parum est, eminentior hodie toti mundo in Virtutibus ELIÆ, & Sanctarum potentia Virium repræsentatur magnitudo. Formidant plerumq; & languescunt in conspectu athletarum præcordia, tremunt timore affecta ante bellum, nemini bellum lanistarum præcordia, immanis corpore Antæus in luctu cum Alcide subito viribus deficit, & robusta Alcibiadis brachia à fatali raro sunt dispendio aliena. Nihil est in sublunari ambitu à vicissitudine securum, nihil ita firmum, & stabile etiam inter adamantinam rerum compagem habetur, ut à continua periculorum mutatione videatur esse remotum. Incessanter versatur celeri fors levis orbe rota, quæ antea cedrinis suffulta columnis Trajanorum eminuerunt arces, modo ex tristi cinere, & favilla, fatales non desinunt concitare ignes. Horribilis lacerto Typhæus, tricorpor Geryon,

ferox animò, & armis Attila, proceræ Mimas staturæ, immobiles Briarei, Brontes, ac Steropes imperterriti; insperato ad ima labebantur casu, nec torvam, quam gessere, ausi sunt in altum elevare frontem. Solus ELIAS primus inter bellicosos terræ Equites justè nominatur Heros, qui nec Lernaas hydras, nec trifaucem averni Cerberum, nec truces Hyrcaniæ faunos, nec maculantes mensam Deorum Harpyas, nec abominabiles Rhadamanti aut turpis Æaci veretur cum periculo minas. ELIAS in amantissima Elisiorum acie camporum insuperabilis triumphat Heros, invido ad consumationem sæculi vivax resistit letho, & igneò; dira, quem sacrâ dexterâ gestat, dissipat enecat, & penitus suffocat infortunia gladiò. Ferveat inextinctis ignibus Æthna, ejiciat flammivomos vorax Lipare carbonēs, horridos accendat Vesevus titiones, parens monstrorum Africa implacabiles foveat quotidie scorpiones, ut illis magnanimitatem Prophetæ, aut Elianarum exterreat firmitatem virtutū. Credite AA. evanidum cujuslibet monstri, contra Sacram ELIÆ dexteritatem manere ausum, ac inanem crudelis hydræ; vel immensarum corpore balnearum adesse ferociam. Divinus Propheta ELIAS fulminantia manu vibrat tela, flammè in altis ideo vehitur carpentò, ut singula, si prophetico adversentur spiritui, aut intaminatam lādere attentent probitatem, feriat internecinè portenta. Fatentur Astrologi Herculem sidereis immorari domibus, forsitan, quia heroicè pro Superùm, & terricolarum defensione zelans virtus, diaphanæ Astrorum par fuerat claritati. Gloriosius mortali Hercule, DEI T. O. M. certaverat Propheta ELIAS, ille turpissima Gentiliū Deorum contrivit fana, ille insanientes contra Olympum igne delevit milites, ille pseudopropheticos justè trucidavit viros, ille Cælo & terræ exosas; eximia probitate sedavit cohortes, ille protervam contra Numen Immensum, gentium coercuit audaciam, & effrænatam in omne nefas evertit, expugnavit, ac penitus devicit insolentiam. ELIAS de Supremo missus Olympo Heros, illa viribus Sanctis propulsaverat spectra, quæ Divino cultui contraria, & populo fideli videbantur esse obnoxia. Tanta est ELIANÆ probitatis fortitudo, tanta prophetici pectoris generositas, ut nec æstuantem erebi iracundiam, nec severas Gigantum frontes, nec districtorum revereatur fulgorem armorum. SANCTIOR igitur ÆMILIANUS in TRIUMPHALI MERITORUM CURRU, IGNEO ENSE PRO DOMINO DEO EXERCITUM STRENUISSIME ZELANS ulteriori dictione publicabitur ELIAS. Juvabis Sanctior ÆMILIANE, ELIA Divinissime viribus infraetis non tam Oratorem, quàm potius Nominis tui Adoratorem, & fortunatis ulterio- rem dictionem permittes sublequi auspiciis. Sanctior ÆMILIANUS ELIAS vestro D. A. evidentius ut innotescat congressui, faventem benevolæ attentionis ut præbeatis auram, supplici exoro voce.

Heroicis nobiliora operibus; veridici Prophetæ non prius faventissimo enarrabo benefacta E L I Æ, donec quantæ fuerint ÆMILIANORUM proprietates, verborū edixero breviori compedio. AA. Testantur magnorum Annales Scriptorum clarissimam virtutibus, & meritis ÆMILIANORUM in medio Quirinum floruisse Familiam, quæ inextincto erga Patriam accensa amore, Deos Penates & domesticos cum zelo non est dedignata protegere Lares. Non postremam adauxit ÆMILIANUS Africanus Pauli Æmilii filius genti Romanæ majestatem, cui non

tantum pro inclyta Patria armis certare, sed etiam totam in obsequia eius
 dedicare vitam gloriosum fuerat; ac decorum. Laudabile **ÆMILI-**
A N O R U M Nomen propter dexteritatem, inter numerosas
 populi myriades, & propter innatam erga justas charitatem leges, clare-
 scit ac resonat unicuique; tantisper gratissimum. Vicit **ÆMILIANORUM**
 magnitudo hostiles bellatorum catervas, debellavit rigidos Antagonista-
 rum lacertos, & quos prosperitatis integritati, adverterat oppositos, fun-
 ditus in militari acie annihilaverat certatores. Exultaverat nimium in-
 numeris **ÆMILIANORUM** repleta victoriis Roma, gaudebat, quod ac-
 cerrimos in promptu habuerit Defensores, gentiumque; Propugnatores indi-
 es respexerat **ÆMILIANOS**. Recreemini potentium animi heroum,
 quod tam perfectos bellicis in artibus animadvertistis Antesignanos, &
 in martiali campo zelose decertantes pro Patria novistis **ÆMILIANOS**.
 Invieta **ÆMILIANORUM** probitas secundis adversa rebus superavit pe-
 ricula, offensionum lapides à rectis removit tramitibus, & abligurientes
 fauce insatiabili supressit fatorum Charybdes; seu potius ab irrudentibus
 Regnorum Cives eliberaverat infortuniis. Deliciae Romanorum fuerant
 pictos Majorum in tesseris ostendere vultus, vel stantes in curribus in-
 trueri **ÆMILIANOS**. Virtus etenim **ÆMILIANORUM**, ex asserentibus
 dictis similitudo nonnisi quædam; magnanimitatis apparuit **ELIAN** **Æ**.
 Sanctior in orbe **ÆMILIANUS** Omnipotentis **DEI** Propheta **ELIAS**, u-
 niversos terræ intraminatō cordis Angelici antecelluit candore Heroas, &
 insuperabiles animi magnitudine exsuperavit bellatores. Felicissimum
 Moysis, & Aaron profapia futuris temporibus intulerat præfagium, quum
 ex se pugnacissimum pro Domino **DEO** Exercituum Ducem dederat U-
 niverso **ELIAM**. Splendiferi gestiebant Cæli, Urbes, Provinciæ, Regna,
 amenique; regionis Galaad colles fecere plausus, dum **ELIAS** **THESBI-**
TES virtuosi Sobachæ Natus, roseum juvenili innocentiam ver caperat ex-
 plicare. Hæserunt attonitæ nive senectutis conspersæ majorum frontes,
 novum magnanimitatis in tenero **ELIA** prodigium admirantes. Intre-
 muit totum cum dentium stridore barathrum, quinimò nequam averni
 clangit hæres, videns acerrimum contra se optimis Avibus, augmentari
 viribus, & virtute expugnatorem **ELIAM**. Gloriare Thesba in Galaad
 Sanctiori **ÆMILIANO** **ELIA**, hic floridissimo juventutis vere, verè in-
 æstimabile tui extiterat decus, atque; delictum. Pugnavit adeo contra fæ-
 didissima vitia, Cælestis in teneritudine sua Achilles **ELIAS**, ut de illis, ni-
 hil præter triumphum, nihil; præter palmas victrices, & gloriosa; cum in
 dicio magnæ fortitudinis spolia reportaverit. Exacuerunt lethæa pugio-
 nes monstra, contra heroicos **ELIÆ** actus, sperantia Sanctiorem **ÆMI-**
LIANUM **ELIAM** ab horrendo facillimè vincendum fuisse impetu. Sed
 evanidus cernebatur spectrorum ausus, & sicut debilis aranea; nullum
 Herculeis umbonibus imponit obicem, deformis noctuarum aspectus ir-
 retortam solem intuentis aquilæ lædere nequit pupillam, ut tardissimi
 testudinum motus impavidis terrorem non incutiunt leonibus, ita San-
 ctiori **ÆMILIANO** **ELIÆ**, terribiles nunquam nocuerunt Furæ. Vidē-
 dum erat, quantum insuperabilis Athleta **ELIAS** pro **DOMINO EXER-**
CITUUM sudaverat, & alsit, quomodo puris pro Domo Israël certaverat
 manibus, & quam sedulissimos adversum conterenda Deorum fana susce-
 perat labores. Invincibilis Hector **ELIAS** insomnes tota nocte absolvit
 vigilas, pro molli culcitra; lapide gravi, pro tapetibus distensi gramine

campi præ militari tentorio circulari Polorum usus fuerat figura. Arma ELIAS contra hostiles, quæ gesserat turbas, curioso si inquiritis animo! eloquar, & narrabo. Bellica ELIÆ insignia, cor patuit insuperabile, Divini armatura Prophetæ, clypei, & cassides, Zelus pro Rege Regum inter cordis penetralia inextinctus, munimē Sanctioris ÆMILIANI ELIÆ, & præsidium palam tunc eminuit, dum ferventiùs spiritu prophetico, flammis, & ense, Divinum non cessavit propugnare Honorem. Accendebatur ELIAS; sed tenuerrimo erga Superos amore, astuavit, sed iusto adversum gentilitatis delubra igne, fulminavit Divinior Pericles ÆMILIANUSq; ELIAS, ast verbis verberibusq;, contra vitiosos Deorum pseudopphetas. Alimentum ELIÆ fuerat, à dapibus abstinencia, dulcis annona, sponte acceptata esuries, deliciae, rigida artuum maceries, Sacri ornamentum corporis, humilis melote, balthus militaris, fascia liliaceo exornata candore, ELIAM tenebroso victorem averni, ac sine virium langvore pro dilectis immenso Numini Israelitis evidenter repræsentans Certatorem. Commune innatumq; heroibus, post triumphos, & devictas hostium cervices publica appetere acroamata, elangvida laureo tempora redimire fertò, aut sonoras plaudentis populi, vultu, fronteq; benignâ acceptare voces. Sanctior ÆMILIANUS ELIAS, egregia virtutis sacræ benefacta, & vires corporis sui inexpugnabiles non proprio Nomini, sed incomprehensibili in gloriam Numini consecravit. Eminuit ELIAS accepto cælitus fortitudinis dono, id tamen in laudem Omnipotentiae Divinae, zelosissimò litavit animò. Inchoaverat temporibus ELIÆ depravata Israelitarum turba; angustas Cælorum, scandalis impugnare domos, cæperat effrons impiissimi Achab contra cælicolas bella movere malitia, cæperat abominabilis longè latèq; delubrorum diffundi turpido, & velut quodam indissolubili nexu, nefanda ubivis terrarum crimina augebantur. Jam denso victimarum fumo in cultum delubrorum elevato corruptus fætebat àér, jam mortifero conspersa extorum tabo marcebat humus, jam thure dæmoniorum infectæ aruere arbores, & nigra lucorum caligine læsa gravissimè; penitus cæcutiebat Samaria. Famulabantur iniqui Achabitæ furdissimo Baal, cremabant alta frumentis in holocaustum jumenta, insuper dolo in obsequia proprias cum animo animas offerebant delubro. O furor, ah vecordia! tantane animorum licentia in Israël prospiciente Universi Conditore grassari debet, hæccine à creaturis Largitori Bonorum DEO reddenda est gratitudo? decetne vitiis electum allaborare populū? eheu! quare in vindictam delinquentibus parata benigni dextera Jovis sustines patienter fulmina, abligurientem sæva Nemesis jactita in scelerosos ignem, acerbo livore insolentes idololatrarum coerce impetus, rapaces harpyæ, dira; Celeno, venenosam in æternæ desertores Justitiæ convertito iram; grandis est contemptorum legis Divinae audacia, nimius contra Numen Sacrosanctum ausus, & vix corrigibilis in pessimis erroribus obstinatio. Viditne Sanctior ÆMILIANUS ELIAS tam abominabilem dissolutæ gentis cæcitatem? vidit! cum obortis pupillarum lachrymis, cum summo piissimæ mentis dolore, ac mæstissimo cordis prophetici suspirio. Impatiens ultro Sanctior ÆMILIANUS ELIAS, nefandæ cultus Divini injuriæ, arguit imprimis terribile idololatrarum scelus, vesanum Regis Æterni acerrimè exprobat contemptum, dæmoniacos serio increpat mores, servile fanorum odio prosequitur obsequium, & injusta abjecto Baal fortissimè denegat homagia. Efferbuit viperina progenies Achab.

Achab contra Sanctiorem **ÆMILIANUM ELIAM**, tanquam clibanus igneo furore, interitum vita; Divino certò-certius appromittens Heroi. **ELIAS** durior; contra Cæli Conditorum animadvertens in idololatriæ cervicem, venientia desuper minatur brevî pericla, alti inclementiâ Cæli, noxios Syrii ætus, fulminantia fata, molestum deniq; in Cererem propheticò spiritu deprædicat venire famem. Clausit cataraëtas Cælorum **ELIAS**, vividum toto triennio impiis denegavit rorem, imò: nec stillam aquæ, adultæ solaribus radiis permisit Telluri. Jacuit elangvida carens vigore humus, speciosa camporum prata, quæ antea blandissimo risere vultu, postea in nimio sudore; ex fervore solis contracto, continuò flebant. Hiabant macilentis armenta faucibus, famelicò rostrò contra **Achabitarum** delicta militabant volucres, ornamenta agrorum flores, titanico falcati æstu paliebant, deliciosam urentibus desuper flammis negligentibus elegantiam. Populus servitio Baal deditus, in molesta ejulabat fame, totusve flebili oppressus caribâ vergebat ad sepulchra mortuorum. Benè est Sanctior **ÆMILIANE ELIA**, etsi gravissima nutibus falsorum obsequentes Deorum afficiuntur idololatriæ penuriâ, sic decet pro Rege Regum, Dominoq; Dominantium certare **Æmilianos**, ut semper victrices ex hostilibus collis, in majorem Regis Immensi gloriam Hectoreis palmis nanciscantur palmas. Vicit **ELIAS** pessimos Achabitas fame, vicit aded; ut ab infami potenti vi suâ eisdem retraxerit fano. Fortis **ÆMILIANUS ELIAS** Incomprehensibili fructum virium suarum dicavit Creatori, & Merulea in Sacram heccatomben obtulit alacriter benefacta. **DEUM ELIÆ** Nomen exprimit, & benè! quidquid enim gloriosissimi pro Honore **DEI** egerat **ELIAS**, hoc totum auxiliâte **DEO** perfecit ad amissum. Non defecerat Sanctior **ÆMILIANUS ELIAS**, robore, & viribus; assiduus incumbendo laboribus: licet inediâ, & egestate depressus languebat Orbis; **ELIAS** tamen nimis macilentam confudit famem, Corvò alimentum in pane, referente. Impugnaverat **ELIANAS** inedia vires, sed frustaneò elusa conatu, sola prius cum gravi peribat rubore. Voluit impetu violentò Sareptanam affligere Viduam esuries, hæc tamen adveniente **ELIA** in opulentissimum mutata est alimentum. Pugillus farinæ, lecythusq; olei creverat in immensum; postquam Sanctioris **ÆMILIANI ELIÆ** accesserat benedictio. Mirati sunt Sareptani incolæ, unde tanta pauperi Viduæ orta est in egestate abundantia! at modicū necessaria hæc fuerat admiratio. **ELIAS** Propheta veridicus, missâ cælitus annonâ, semimortua præ fame refocillaverat egenorum labia. Tandem in luctu Viduæ Matris, unica consolatio filius, in longinquam Sareptâ properavit Regionem. Quæ obsecro tam insperati occasio fati? forsitan ideo floridum juventute ab abundis mors pallida abripuit cibus Pelopem; ut famelicum copiosè satiaret appetitum! satiavit emarcida Lachesis furtivò captu desiderium, sed à Sanctiori **ÆMILIANO ELIA** ferreis constricta catenis, pati servitutem coacta. Abstulit equidem virentem è medio vivorum, Parentis unicæ Narcyssum, hic tamen ablativus firmiter instante Sanctiori **ÆMILIANO ELIA**; vitam mortuo tyroni protulit casus. Perpendite, quantus in sublunari ambitu Heros **ELIAS**, non tantum hominibus, sed etiam avidæ vincula cum triumpho iniecit Libitinæ. Nondum fames grassari desuit, nam quò turpius scelerati peccarunt Achabitæ, eò severius incorrigibiles Baal assecras absq; intermissione torquebat calamitas. Exiverat regiâ domo **Abdias**, pascens morientibus sedulò in-

quirens herbam armentis, & cū terra dñi calcaverat arva, grandævum ex improvīso Herōā offendit ELIAM. Steterat Abdias majestatem in rarō visibili admirando Equite, minacemq; & affabilitate plenum metuendo Sanctioris ÆMILIANI vultum, nec unde, qualis, aut quā de regione legioneq; esset miles, tremulā Abdias ausus est inquirere lingvā. Respiciens consternatum, & paventem Sanctior ÆMILIANUS ELIAS Abdiam, amabili ore, trementi seridō persuadet famulo, ut sine mora nuntiet Regi Achab, strenuissimum prætō adesse ÆMILIANUM ELIAM. velociter nutibus Prophetæ veracis ELIÆ obtemperavit Abdias, Regem Achab celeriter postquam aggressus, denuntiat zelosissimum pro Supremo Exercituum Domino non procul stativa peragere ÆMILIANUM ELIAM. Occurrit ELIÆ Achab, quem sine blandimentis, prophetico optimē instructus spiritu, Sanctior severē corripuit ÆMILIANUS ELIAS, scandalosæ eum arguit vitæ, ac detestabili delubro Baal prætītā cū seria admonitione effuso in scelera Monarchæ idololatriā interdixit. Asperā mentē, verum Sanctioris ÆMILIANI ELIÆ tulit Achab sermonem, hac tamen severitas animi, acrius resistēte ELIA in lenitatem fuerat transformata. Fregerat viribūs suis ac svasione pertinaciam Achab, ELIAS; fregerat ita: ut ELIANIS, licet iracundiā accensus Regnans ex amussi obediverit jussis. Congregavit in Carmelum Israhēl Achab, & octingentos quinquaginta ad holocausta falsis conduxit Pseudopphetas dñs. Jusserat quantocyūs Divinus Prophetæ ELIAS, Omnipotenti victimam præparari DEO. Acquieverat lætissimū Israhēl persuasioni ELIANÆ, ast ne etiam horrendum Baal monstrum suis fieret holocaustis vacuum, permisit Sanctior ÆMILIANUS perosis dio & terræ pseudopphetis intima præstare homagia diis. Saliebant vecordes pseudopphetæ debilissimam Baal cupientes extollere potentiam, sciderunt corpora sua lanceolis, tristiq; ejulārunt voce, à muto Baal propensa inter obsequia auxilium exorantes. Obmutuit Baal, imō: non solum loqui, sed nec quidem ad suos potuit balare assecclas. Mandat denuō Sanctior ÆMILIANUS ELIAS tentare Baal, multiplicārunt Sacrificuli gemitum, gemitui gestus, gestibus ululatum, ululatuī planctum, planctui plurimos adhibuerunt clamores. Quid ad tantos respondit Baal tumultus? nec quidem balantis prodidit vocem pecoris. Tacuit Baal, quam Sanctior ÆMILIANUS ELIAS taciturnitatem advertens, justō erga DEUM astuans Zelō, memoriā indignis talī modō insultaverat idololatriis, forsitan Baal vester in diversorio est, aut in itinere, aut certe dormit, exciterur. Circumfusi pudore sacrificuli, amplius immolare, & obsequi Baal noluerunt. Cernens igitur Sanctior ÆMILIANUS ELIAS, nihil sacrilegas idololatrarum posse proficere artes, præparat maculatā unico Creatori DEO victimā, quam irriguā multoties conspergens aquā, momentō cælitūs igne demissō; accendit. Exhorruit totis artubūs Israhēl, inauditum ex improvīso Sanctioris ÆMILIANI ELIÆ prospiciendo robur. Laudaverunt singuli unanimi voce summum Creatorem Cæli DEUM, his dictis Israhēlitæ: Dominus ipse est DEUS, Dominus ipse est DEUS. Superavit idololatræ ELIAS, ferventissimō erga DEUM zelō, & flammis Cælestibūs, verū ne post victoriam inultum pseudopphetarum fieret crimen, omnes comprehendit, & comprehensos ad torrentem Cison Sanctior ÆMILIANUS ELIAS interfici mandat. Ceciderunt cæsi ex mandato Sanctioris ÆMILIANI ELIÆ, octingenti quinquaginta Pseudopphetæ! & benè, occisores po-

poli seductoresve animarum fuere, iuste occidi meruerunt. En Sanctior
 ÆMILIANUS ELIAS, strenuissime pro DOMINO DEO EXERCITU-
 UM zelans, gloriose triumphat, Io triumphat! cui gloriosa, (uti Herói-
 bus convenit) post devicta hostium colla, totus intonat celestia Or-
 bis. Aperuit Oratione; clausum Sanctior ÆMILIANUS ELIAS Cælum;
 aridam repentinè cadente pluvia, post luctus populi perfudit Tellurem;
 fuscum; propter solis calorem in genas contractum humanas, copioso
 imbre extulerat colorem, aureoq; per triennalem combusta ariditatem
 viscera terræ, impleverat rore, abundanter. Pacatior post cruenta San-
 ctioris ÆMILIANI ELIÆ certamina steterat Achab, nec ulla in poste-
 rum contra robustissimum Heróæ ausus est concitare bella. Quieverat in
 furore Achab, sed uno avulso pejor alter non defecerat hostis. Audiit ex
 narratis Achab de interitu pseudoprophetarum rapax Acherontis Tisipho-
 ne Jezabel, & illicò per fallorum juravit Nomina Deorum, tam diu ad ne-
 cem, Sanctiorem quærere ÆMILIANUM, donec innocentè evidentissi-
 mè privaretur vitâ. Non timuit Sanctior ÆMILIANUS ELIAS iracun-
 diam furentis Jezabel, ast anilem contra insuperabilem Heróis animum,
 vitavit mulieris cum vano rigore proterviam. Abiit in desertum Sancti-
 or ÆMILIANUS ELIAS, non Jezabel declinans ferociam, sed perfecti-
 onem heroicarum cupiens in solitudine complere Virtutum. Latuit San-
 ctior ÆMILIANUS ELIAS in collibus Horeb: non quia certare paveret,
 sed quia æqualè viribus, & virtutibus propriis in terris non viderat Her-
 culem. Licet enim ferocissima cōtra ELIAM consurrexissent infortunia,
 ELIANAM attamen nunquam vicissent magnitudinem. Fortitudo San-
 ctioris ÆMILIANI ELIÆ, à pane divinitus subordinatò accepta, infer-
 nales semper erat parata confringere legiones. Cibus hic desuper datus,
 imperterritum contra omnem gigantomachiam, sive Gigantum machi-
 nam toti Universo reliquerat ELIAM. Plurimè Cælesti alimoniam altus
 vixerat Propheta diebus, jejunam nunquam sentiens alvum, constantissi-
 mò robore pro Rege Isrâelitico, & grege assiduas peregerat excubias.
 Optimè probatus, ceu per ipsam excellentiam exercitatus Heros ELIAS,
 ex umbriferis excelsi mōtis Horeb collibus, ad duorum coronanda capita
 Monarcharum Universalissimo ordinante Rege missus est Sanctior ÆMI-
 LIANUS ELIAS. Advenerat in Syriam Sanctior ÆMILIANUS ELIAS,
 ibiq; Hazael unxerat in Regem, Jehu in Principem ordinavit Isrâel; ELI-
 SEUM verò verissimum Prophetam fecit. Pro! Superiorum potentiam!
 hominumq; probitatem. Mirabilis Sanctæ dexteritate ELIAS, ille pro-
 pheticâ manu diademata Regibus imposuit, ille Principibus regimen tra-
 didit populorum, Ducibusq; gubernium cōmisit militare. Cautè dissoluri
 Samariam oppugnate Syri, perpendite insuperabilem ELIÆ inter mun-
 danos heróas vigere potentiam, huic Summi Regis Vasallo sidera coruscā-
 tia, turbulentum mare, tellusq; immobilis obedit exactissimè. Tace Bena-
 dad, collectas cum triginta duobus dimitte Regibus turbas, Sanctior Æ-
 MILIANUS ELIAS Zelosissimus Isrâelitarum Defensor, igneo rebelles
 compescit mucrone inimicos, & flammei currus, recalcitrantia conterit
 colla rotis. Corruet Benadad, agminibus magnorum privaberis insperatè
 exercituum, si auxiliante Sanctioris ÆMILIANI ELIÆ manu, aliisq;
 dantibus subsidium Prophetis, Isrâel præsumpseris conturbare. Contem-
 ptit Benadad Regem Achab vim vi frangere attentans, prælia Achab in-
 duxit, ut spolia, quæ ex Isrâel speraverat, avarò, at Isrâelitis amarò colle-

gisset animò. Disposuit contra Israël castra Benadab, at non frustra alea belli prælianti cecidit Regnanti: submisit castra Iudeis terga Benadab, vivusq; ad manus Israël transivit præliator. Scrutata igitur Samacia vires, & potentiam ELIÆ, ille cælitus indita fortitudine, litigia, & acerrima, etiam à longe callet perbellè distrahere bella. Porritan Sanctior ÆMILIANUS ELIAS funditus acerbissima robore sacro annihilavit fata! Adhuc maledicta Erinnyes Jezabel igne furoris contra ELIAM fervere non cessavit. Arserat clandestinis adversus Prophetam iracundiæ comitibus Jezabel, & quæ atrox Medusa desecerat iracundiâ, hanc suâ Jezabel compleverat mente. Proposuit Achab per vim innocuo Naboth? perfradente Jezabel rapere vineam, modumq; vivendi; indigent conatus est auferre Colono. Jezabel quid pessimi patraverat Naboth? quod crimen noxium commisit? quam fraudem odiumq; in eo vides? vivit sine dolo Naboth, tua tamen sævitie malitiæ Naboth appingit notas, & hæreditaria absq; lege eripit bona possessori. Occubuit iussu Jezabelis Naboth, pro dulci racemorum liquore, sanguinem fudit, vitamq; pro vinea innoxio tradidit Naboth. Eheu infernalis sâgvifuga Jezabel! suis injuriæ obtinuit Naboth, satis iniquæ sensit molestiæ, quis ausus? quæ tua licentia mulier? hæreditarium quem non dedisti eripis fundum! absq; novo viventem Naboth, injustâ penuriâ paup; aggravas? recordare venturam desuper vindictam, diffusus cruor Naboth pondera vocis habet, & obitus dolo illatus, dolendos tota æternitate inferet Tibi Jezabel cruciatu. Lapidatus est Naboth, sed hi lapides in adamantes mutati, coronam gloriæ in futurum innocenti Naboth compararunt. Indoluit ELIAS fati Naboth casui, hæc tamen ex casu imminetia Achab, & Jezabel mala prophetico Sanctior ÆMILIANUS ELIAS prædixit sermone. Processit in Ramoth associatus Regi Josaphat cum exercitu parato pro certamine Achab, ast infauso belli eventu elusus, sagittâq; per corp9 sauci9, insperate occisus, interit. Væ Tibi Achab, gustaveras de botris vineæ Naboth, manantia inter calices massica, en mortis mærore cor tuum repletur, cruorq; tetigit labra canum. Ecce Sanctior ÆMILIANUS ELIAS, quæcûq; veridico spiritu prædixerat Achab, facta sunt, quidquid futurorum instinctu divino præsenferat eventum, hi ad amissim ELIANÆ magnitudini, & Propgetiæ corresponderunt, fallacias ignorant. Post tot heróica ELIÆ facinora, nulla amplius contra Sanctiorem ÆMILIANUM ELIAM, ausi fuerunt stridere pericula. Pereuntib9 equidem satis, successit delinquenti Achab proles vitiosa Ochozias, à quo ut à fluxu torrentes, ab arboribus rami à tenebris augentur noctes, ita ab Ochozia corrupti scandalis oriebantur mores. Regnavit post obitum Achab in solio Ochozias, ast Parentum ætas, quas criminum non suppleverat vices, nequior Parentib9 effecit progenies. Læserat insperato casu gravis agritudo Ochoziam, & nè regis corpori medela detraheret; à Beelzebub Deo Accaron consilia sumpsit, fidens dandam elingvi Beelzebub inesse sanitatem. Eccur Ochozia consulis Beelzebub? censes Hippocratis, aut Esculapii artes emortuam efficere posse delubrum? falleris: Beelzebub est irrationali similis belluæ, cui non pharmaca ægris præstare, aut efficaciter mederi, sed occidere vitamq; eripere convenit. Displicuit Sanctiori ÆMILIANO ELIÆ, erga Beelzebub propensio Ochoziæ, sed propter imprudens consilium, morte Ochoziam meritum, annosq; vitæ abbreviatum fuisse Sanctior ÆMILIANUS ELIAS indubitè prophetavit. Ex-

xarsit malignitate, adversus Prophetam Ochozias, intestinis studuit ELIAM evincere dolis, ac insuperabilem nixus est Sanctioris **ÆMILIANI** subvertere potentiam. Expedit Principem cum quinquaginta militibus ad Sanctiorem **ÆMILIANUM ELIAM** Ochozias, animosumq; rigide præcepit, duci ad se Bellatorem. Properarunt tremuli ad Sanctiorem **ÆMILIANUM ELIAM** Ochozia nuntii, Triumphatorem de summo Carmeli vertice descendere, stimulantes. Expugnatores; non visitatores, aut oratores, videns Sanctior **ÆMILIANUS ELIAS**, flammis ex alto venientibus, importunos unico instanti combussit invasores. Mæstissima clades, dum attingit Ochozia aures, majori adversus Prophetæ animam exagitatus rancore, alios quinquaginta cum diris, & execratione progredi coegerat satellites. Comparuerunt Divi Herodis conspectui belligeri athletæ, qui tumido inflati fastu: mandatis Ochozia, Virum Dei omnino obtemperare sollicitant, frontemq; Regnatoris iratâ Sanctiori **ÆMILIANO ELIÆ** nocituram esse, minitantur. Exterruitne Sanctiorem **ÆMILIANUM ELIAM** torvus satellitum vultus? minime. Ut etenim immensurabile unicus latex non minuit fretum, ut liliis non nocent urticæ, fragrantibus scarabæi non adimunt decorem rosis, Atticæ lumen solis non impediunt noctes, ita hostiles insultus non concussere Nominis **ELIANI** majestatem. Iterum **ELIAS** adveniendi desuper flamma, infestantes secundo quinquaginta comminuit milites, necemq; pro inique attenta intulit nece. Metire hoc casu deficientem Ochozia tuorum equitum fortitudinem, fundasti humanis in viribus fiduciam, errasti. Beelzebub contemptibile adorasti fanum, en graviori cum eo ruisti ad erebum in præceps impetu. Sanctior **ÆMILIANUS ELIAS** vivus sine fato triumphat, absq; metu in paradiso exultat, & sacrata triumphalibus coronat tempora laureis. Perit cum filio, orci solatium Jezabel; sanguis Nabothi virulentam absorbuït aspidem, pseudoprophetici in profundum cecidere vates, viræ Sanctioris **ÆMILIANI ELIÆ** insultantes. Affecti cæde nefanda grassatores, nec signum oblivionis suæ in posterum reliquerunt. **ELIAS** à fatali longè distans feretro, ad præfixum consumandi sæculi terminum, beatam protendit vitam, inter spem metumq; positas in exitu mundi roboraturus gentes, ac futuro; fortiter igneo ense adversaturus Antichristo. pugnabit Sanctior **ÆMILIANUS ELIAS**, angustissimo absq; angustia Marte, infernalibus obicem imponet catervis, ignito sive, ardentibus armis gladiatores conquassabit. Non prævalebunt erebi contra militantem Ecclesiam phalanges, Sanctiori **ÆMILIANO ELIÆ** excubias peragente. Stabunt immobiliter fundamenta Ecclesiæ in montibus Sacris super Petram, & licet Stygii steropes omni ex parte Sacris studebunt nocere Athletis, dexterâ Sanctioris **ÆMILIANI ELIÆ**, flammigerôq; telô, velut aranea tela dissolventur. Dies illa supremi Judicis, dies universo amara populo, terrorem ineutiet orbi, pro tunc Sanctior **ÆMILIANUS ELIAS**, firmitate suâ consolidabit langventes, labilesq; animas invictô robore, sustentabit. Ardebit infernalis titio igne fatuô contra fideles, pænas multiplicabit pænis, hoc tamen imperium momento evanescet. Recedite in perniciem humanam Eumenides, corpulenti cedite Geryones, minax Alecto, ferox Megæra, atroces Enceladi proceriq; perite Gigantes, Sanctior **ÆMILIANUS ELIAS**, ignitô curru, & ense, Syrtes, & millena concutit Acroceraunia, quinimo; fulminantia radicitus exterminat infortunia. Non trepidat Orbis, populus lethæas non veretur insidias, &

rationali moderamine carentes, sub præsidio Sanctioris ÆMILIANI ELIÆ respuunt infelicitatem creaturæ. Quot verba, & sermones ad debitum Sanctioris ÆMILIANI ELIÆ cessere cultum, quidquid encomiorum dignissimo Herdî ELIÆ, hactenus fuit ore prolatum, hoc Virtutibus vestris, Sancti Prothoparentis Filii, correspondet. Sanctior est ÆMILIANUS ELIAS, Vos Filii invicti Herdîs, Angelicus Ordo nominamini. Debelloavit ELIAS profana Deorû delubra, rebelles DEO hominibusq; contrivit hostes. Sacerrimus quoq; Carmeli Ordo viribus Protoparentis Sacri roboratus, rapacissimas hæreseos concultat hydras. Carmelus trinò insignitus fidere, ferventissimos Cælitû, & candidos stellati verticis Angelos, demonstrat Zelatores. Stelliger Carmelus, umbratiles non foveat noctuas, Herdâs nonnisi mysticæ conservat Aquilæ, cui Empyreï alacriter militant splendor. Stella Maris spatiosi purissima Virgo MARIA, Vos Stelligeros Carmeli Equites, victricibus coronat laureis, ut Mariani cultûs Honorisq; indefessi floreatis Defensores. Candidi Herdês Regis immensi existitis Carmelitæ, sub Antesignano ELIA honorificum, pro gloria DEI triumphum quæritantes. Claruerunt fortissimi splendentis Carmeli Atlantes, illustrissimus virtutibus atq; meritis ELISEUS, insignis labore Michæas, & præco Divini sentûs Abdias, Romanæ Ecclesiæ Principes, & Pastores: Clemes Telesporus, Dionysius Zacharias, & Benedictus V. Serenissimum Orbi Christiano lumen, salutari animarum, zelo nferentes. Ornârunt, & hucusq; exornant Cardinalium purpuræ Carmelum, fulsere in stelligero vertice Patriarcharum Cruces, floruerunt infulatorum absq; numero Præsulum violæ, illuminârunt scientifici Doctorum radii terras errorum tenebris affectas, tinxerunt purpureo sanguine centum quadraginta millia Martyrum campos; in quibus veri Ecclesiæ, invicto Marte apparere Certatores. Multæ dierum vix sufficerent myriades, si Sacrorum Carmeli Athletarum, vellem sufficienter deprædicare Ordinem. Lucent in Carmelo albicantes, Phæbi, virtutum ac meritorum splendore toti universo solatium proferentes. Insunt Firmamento lucidi Hercules. Gradivi, & Martes: in Carmelo, quot Ascetæ, tot Triumphatores, quot pro gloria Dei Athletæ, tot Hæctores, & prudentissimi appellantur Xenophontes. Certato igitur Angelice Ordo pro Catholicæ Bono Ecclesiæ, armis Sanctioris ÆMILIANI ELIÆ, adversa contempe fata, perenna ad innumerabilia beatis eminens triumphis sæcula, & quousq; immota radiabunt Firmamenti sidera, tamdiu certissima ex adversis gloriosæ victoriæ obtineto signa. Te tandem ultima periodo Sanctior ÆMILIANE ELIA alloquor adorator, intimâ exorando voce. Protege vergentem ad casum sive ad occasum infelicitatis mundum, flammæ maligna combure pericla mucrone. Sis terrigenarum Columna, Tutela, ac præsidium, labentem terricolarum armis defende vitam, & Militantem Atlanteis fulci Ecclesiam brachiis: utiq; in Triumphali meritorum curru, igneo ense pro Domino DEO Exercituum strenuissimè Zelans

verè Sanctior appellaris, & agnosceris

Æ M I L I A N U S
E L I A S.



stdr0024325

